

中國醫學大成三編

R2-51
776

裘沛然 主编

中國醫學大成三編

八

岳麓書社

00173501

《中國醫學大成三編》第八冊目錄

傷寒醫訣串解

卷一

太陽篇第一 三

卷二

陽明篇第二 九

卷三

少陽篇第三 一六

卷四

太陰篇第四 二一

卷五

少陰篇第五 二四

卷六

厥陰篇第六 三一

溫熱經緯

序 四一

卷一

內經伏氣溫熱篇 四三

卷二

仲景伏氣溫熱篇 五三

卷三

葉香岩外感溫熱篇 七五

卷四

陳平伯外感溫熱篇 一〇三

卷五

方論 一四二

婦人規

卷上

經脈類 一七三

胎孕類 一八二

卷下

產育類 一八九

產後類 一九五

帶濁遺淋類 一九九

乳病類 二〇一

子嗣類 二〇二

瘰癧類 二〇七

前陰類 二一〇

婦科要言

卷一

調經章 二一四

崩漏章 二二一

卷二

胎前章 二二五

卷三

產後章 二二六

傳青主女科

序 二五一

卷上

帶下 二五三

血崩 二五五

鬼胎 二五八

調經 二五九

種子 二六五

卷下

妊娠 二六九

小產 二七四

難產 二七六

正產 二七八

後產 二八一

福幼編 二八六

錢氏小兒直訣

序 二九二

卷上

..... 二九三

目錄

卷中	三二二
卷下	三二二
後序	三六八

小兒則

卷上	三七〇
卷下	三八七

外科精要

卷上	四〇一
卷中	四一九
卷下	四三六

瘍科心得集

序	四五九
卷上	四六六
卷中	五〇二
卷下	五三二

傷科補要

序	五四二
跋	六一八

眼科龍木論

喉科全生紫珍集

序	六六四
卷上	六六五
卷下	六九四

古仙導引按摩法

攝養枕中方

逍遙子導引訣

壽人經

內功圖說

無爲靜坐法

萬壽仙書

赤鳳髓

指道真詮

神仙食氣全圖妙錄

序	六六四	跋	八八五
卷上	六六五		
卷下	六九四		
序	七三八	第一章 道	八八六
古仙導引按摩法	七三四	第二章 中	八八九
攝養枕中方	七三〇	第三章 一	八九〇
逍遙子導引訣	七四〇	第四章 真	八九一
壽人經	七四四	第五章 師說	八九二
內功圖說	七四五	第六章 法門	八九二
無爲靜坐法	七六八	第七章 坐法	八九三
萬壽仙書	七八二	第八章 息法	八九五
卷一	八二二	第九章 心法	八九七
卷二	八二四	第十章 要訣	八九九
卷三	八二三	第十一章 術語	九〇二
卷四	八三〇	第十二章 醫	九〇三
序	八五〇	第十三章 膏肓考	九〇六
		第十四章 五藏辨	九〇七
		第十五章 導引術	九一四
		神仙食氣全圖妙錄	九二二

閩長樂陳脩園著

翻刻必究

傷寒醫訣串解

十藥神書註解附後 遠安堂藏板

傷寒醫訣串解者長樂陳脩園先生晚年所編集也惜六篇之中尚缺其一以其未成書故不復付梓其門徒猶子陳道著有靈扁風函之名醫也既能學先生之學又能承先生之志日嘗手披而秘

傷寒醫訣串解

藏之懷體會其遺意而敘續之篇以補其缺今成六篇而篇帙遂成茲修園古矣其猶子道著六古矣閩中林子壽萱專心衛生於舊考肆中檢得脩園先生註解甚可久十藥神書一卷購而珍存之并恐此二種沒而不彰因細加讐較而錄之以與病先生傳名並以傳世值余奉命巡按全閩因舊疾復起探知林子精於療治常勞診視論及閩中名醫林子以陳脩園陳道著兩先生著敘以修園先生所著

南雅重十一種醫書是示且余非
善病人也又耳熟是書久矣適林
子復以傷寒醫訣串解手錄一
通乞序於余不敏每統官守尚
恐才不足以經世何暇論及衡世
然串解實補傷寒淺注所未備
不可以無傳茲再附以十藥成書
注解合而刻之庶可以作岐黃家
秘本矣今之術岐黃者果能默會
精審互相參校其裨益良不淺也
姑就林子所述其緣起為之弁數
語於簡端云爾

音

咸豐丙辰秋九月望後三日福建巡
撫呂佺孫書

曩集傷寒淺注九三百九十七法
依法條時期於白易曉而又
慮學者未能融會貫通而得
其要旨也不揣固陋復為綜貫
衍繹名曰傷寒醫訣串解其
於於細微之處抉剔詳辨頗

費苦以脩國事矣敢認於此道
三折肱能者志之士誠能即
此紬繹其端緒推尋其綱領
而不眩於似是而紀未名死活
國活人之一助也

閩長樂陳念祖修園識

傷寒醫訣串解卷一

上海圖書館藏

聞長樂陳念祖修園著

受業姪道著纂集

東治林壽萱校訂

太陽篇第一

太陽為寒水之經主一身之表

何謂太陽經症曰頭痛項強發熱惡寒是也有虛邪實邪之辨

脈緩自汗惡風為虛邪宜桂枝湯○如八九日過經不解如瘧狀面熱身癢以其不得小汗故也宜桂枝麻黃各半湯因前此未汗不得不發其汗因日數頗久故小

傷寒醫訣串解

發其汗○如服桂枝湯大汗出後形如瘧日再發者以餘邪未盡故也宜桂枝二麻黃一湯○大汗之後不得再行大汗之法而餘邪未盡不得不從汗而竭之但藥品宜輕耳
脈浮緊無汗惡寒為實邪宜麻黃湯○如無汗煩躁者加石膏羌活名大青龍湯○如乾嘔而咳去杏仁加五味乾姜半夏細辛芍藥名為小青龍湯此二湯即麻黃湯之加減總不出麻黃湯之範圍此二法治表中之表也

何謂太陽腑症曰表邪不去必入於裏膀胱為表中之裏也有蓄水蓄血之辨

太陽症其人口渴煩躁不得眠脈浮小便不利水入即吐為膀胱蓄水症宜五苓散

太陽症其人如狂小腹鞭滿小便自利脈沉為膀胱蓄血症宜桃仁承氣湯此二法治表中之裏也

何謂太陽變症曰汗下失宜從陰從陽之不一也
不應下而下之續得下利清穀身疼痛宜四逆湯以救清穀之裏又以桂枝湯以救身疼痛之表

病發熱頭痛脉反沉若不瘥身體疼痛當救其裏宜四逆湯。

大汗大下利而脈冷者四逆湯主之。

太陽病發汗太過遂漏不止其人惡風小便難四肢微

急難以屈伸桂枝加附子湯主之。

太陽病發汗太過動其營血而衛邪反內伏其人仍發

熱心下悸頭眩身瞤動振振欲擗地者真武湯主之。

已上言汗下太過傷正而虛其陽陽虛則從少陰陰化

之症多以太陽少陰爲表裏也。

陽盛於內誤服桂枝湯大汗出後大煩大渴不解脉洪

大者白虎加人參湯主之。

傷寒若吐若下後七八日不解熱結在裏表裏俱熱時

時惡風大渴舌上乾燥而煩欲飲水數升者白虎加人

參湯主之。

傷寒不大便六七日爲裏症頭痛發熱爲表症外不解

由於內不通也下之裏和而表自解矣與承氣湯。

病人煩熱汗出則解又如瘧狀日晡所發熱屬陽明也。

脉實者宜下之與大承氣湯脉虛者宜發汗與桂枝湯。

發汗後惡寒者虛故也不惡寒但熱者實也當和胃氣與調胃承氣湯。

太陽病未解脉陰陽俱停者沉滯不起也陰陽者尺

寸也先振慄汗出乃解但陽脉微者先汗而解但陰脉

微者下之而解若欲下之宜調胃承氣湯按此脉微即

上文脉停也。已上言汗下失宜熱熾而傷其陰陰傷

則從陽明陽化之症多以太陽陽明遞相傳也。

何謂發汗利水爲治太陽兩大門曰邪傷太陽病在寒

水之經驅其水氣以外出則爲汗逐其水氣以下出後

爲黃涎蓄水前爲小便長。

太陽爲寒水之經邪之初傷必須發汗麻黃湯發皮

膚之汗桂枝湯發經絡之汗葛根湯發肌肉之汗小

青龍湯發心下之汗大青龍湯發其內擾胃中之陽

氣而爲汗此發汗之五法也若汗之而不能盡者則

爲水水在心下乾嘔而咳宜小青龍湯發熱而煩渴

欲飲水水入即吐名曰水逆宜五苓散汗後心下痞

硬乾噫食臭脇下有水氣腹中雷鳴下利者病勢雖

在腹中而病根猶在心下宜生姜瀉心湯此水氣在

上焦在上者汗而散之也。若妄下之後，自心上至小腹，硬滿而痛，不可近。水與氣脈遲，名大結胸。宜大陷胸湯。若項亦強，如柔症之狀，宜大陷胸丸。蓋病勢連於下者，主以湯。病勢連於上者，主以丸。是也。若其結止在心下，按之始痛，脈浮滑，名小結胸。邪氣尚在脈絡，宜小陷胸湯。若無熱症，名寒實結胸，宜三物白散。若心下痞，鞭滿引脇下痛，乾嘔短氣，汗出不惡寒，三焦升降之氣阻格，難通，宜十棗湯。此水氣在中焦，中滿瀉之於內也。若頭痛項強，翕翕發熱，無汗，心下滿微痛，小便不利者，因膀胱之水不行，營衛不調，不能作汗，宜以桂枝去桂加茯苓白朮湯治之。是水氣在下焦，在下者引而竭之是也。

內經云：太陽之上，寒氣治之，所謂本也。本之下，中之見也。見之下，氣之標也。又曰：太陽從本從標。又曰：太陽為開。又執病論曰：傷寒一日，巨陽受之，故頭項痛，腰脊強。傷寒論云：太陽之為病，脈浮，頭項強痛而惡寒。又云：太陽病發熱汗出惡風，脈緩者，名為中風。又云：太陽中風，陽浮而陰弱，陽浮者熱自發，陰弱者汗

出，齋齋惡寒，漸漸惡風，翕翕發熱，鼻鳴乾嘔者，桂枝湯主之。

又云：太陽病，頭痛發熱，身疼腰痛，骨節疼痛，惡風無汗而喘者，麻黃湯主之。

太陽主一身之表，六經中最外一層，故表病俱屬太陽。但有表中之表病，在肌腠，則有汗，宜桂枝湯。病在膚表，則無汗，宜麻黃湯。兩法用之，得當一劑可愈。又有脈微惡寒，面色反有熱色，而身痠是邪欲出而未得，速出必得小汗而解。宜桂枝麻黃各半湯。又有服桂枝湯，大汗出後，形如瘧，日再發，是肌病兼見表病，宜桂枝二麻黃一湯。是二方即上兩法之佐也。然二方能治肌腠膚表之病，不能治經輸之病。太陽之經輸在背，內經云：邪人於輸，腰背乃強。論中以項背強，凡几無汗惡風，用葛根湯。項背強凡几反汗出惡風，用桂枝加葛根湯。二方亦上兩法之佐也。但兩法俱是太陽本寒之症，故方中取用辛熱之品。若太陽標熱之症，自汗症不得選用桂枝湯，宜用芍藥甘草湯。以各症與桂枝症無異，唯脈浮急獨異，是太陽之標

熱合少陰之本熱之病也。無汗症不得用麻黃湯。宜用麻杏甘膏湯。以各症與麻黃證相似。唯初起口渴發熱而無惡寒。或發汗已身灼熱。不似論雖另別為溫病風溫之證。然節首冠以太陽病三字。蓋指太陽之標熱而言。明明為一偶之舉。不讀內經不能解也。其云桂枝二越婢一湯。為標內陷於裏陰而化熱。故熱多寒少。而脈微弱。論曰無陽言無在表之陽也。論曰不可發汗。言不可發太陽之表汗也。故用此湯直從裏陰而外越之也。此又可借用為上兩法之佐也。

然太陽為表而亦有裏。膀胱即太陽之裏也。如太陽症發熱無汗而心下滿微痛。小便不利。不宜取汗。宜桂枝去桂加茯苓白朮湯。令小便利則愈。又有發汗後脈浮小便不利微熱消渴之症。又有中風發熱六七日不解而煩為表症渴欲飲水為裏症。論名曰表裏症。水入則吐。論名曰水逆證。兩證俱宜五苓散多飲煖水以出汗。此表中裏症之治法也。至若大青龍湯因脈浮緊身疼痛不汗出而煩躁為麻黃證之重者而設。小青龍湯因表不解水停心下而咳喘變大

青龍湯之大寒大散而為發汗利水之劑。即是麻黃湯之加減。總不出麻黃湯之範圍。即若桂枝去芍藥湯。因桂枝症候下脈促胸滿而設。桂枝去芍藥加附子湯。又因前症脈不見促而見微。身復惡寒而設。桂枝加附子湯。因發汗太過遂漏不止惡風小便難四肢微急難以屈伸而設。此因大汗以亡陽。因亡陽以脫液。取附子以固少陰之陽。固陽即所以止汗救液也。推之汗後病已解復煩及桂枝病初服桂枝湯反煩不解刺風池風府却再與桂枝湯則愈。其用甚廣。總不出於桂枝證頭痛發熱汗出惡風八個字之外。須知大陽治法不外桂枝麻黃二湯。服麻黃湯之後復有再服桂枝湯之法。服桂枝湯之後並無再服麻黃湯之法。更須知太陽為寒水之經。病本寒者較多。病標熱者較少。若標本兼病亦以熱多寒少為欲愈。治傷寒者當知所重矣。此論太陽病以桂枝麻黃二湯為主。一線到底。千古註家無此明瞭。外此亦即二湯之更進一步。非離乎二湯之外而立法也。太陽主一身最外一層邪從外來。須要驅之使出。服上二湯

尚不能出。或留本經。或侵他經。必藉少陽之樞轉以達太陽之氣。而外出也。故小柴胡湯。為太陽篇之要劑。今人不知。擅改為少陽主方。失之遠矣。故無論桂枝證。麻黃證。若值三日。九日。十五日。少陽主氣之期。必藉其樞轉而出。或又見往來寒熱。樞不轉。現出開。閉不利之象。胸脇苦滿。胸乃太陽出入之部。脇為少陽所主之樞。默默不欲食。心煩。默默必神机內鬱。而心煩喜嘔。不欲食。必胃氣不和。而喜嘔。嘔則逆氣少。疎故喜也。或涉於心。而不涉於胃。則胸中煩而不嘔。或涉於陽明之燥氣。則渴。或涉於太陰之脾氣。則腹中痛。或涉於厥陰之肝氣。則脇下痞鞭。或涉於少陰之腎氣。則心下悸。而小便不利。或太陽藉少陽之樞。轉已有向外之勢。則不渴。身有微熱。或涉於太陰之肺氣。則咳者。皆以小柴胡為主。而隨七或然之證。加減而治之。若太陽病。過經不解。先與小柴胡湯。嘔不止。心下急。鬱微煩。與大柴胡湯下之。以平其胃。則愈。凡太陽篇有柴胡之方。或因其病象有從樞欲達之意。而以柴胡達之。抑因其久鬱未解之邪。一得柴

胡。可以從樞達之。無非乘機利導之法。亦即麻黃桂枝二湯進一步之佐也。推而言之。太陽之氣。外行於胸脇。不能外。而病於內。實則為大小陷胸湯證。虛則為諸瀉心湯證。且太陽之氣。上行而至於頭。下行而歸於腹。不能上。而病於下。從背而下。結於胞室。則為桃仁承氣湯證。從胸而下。瘀於胞室。則為抵當湯證。何莫非桂枝麻黃二湯應用。不用或用之失法所致哉。蓋太陽經正治法。不過二十餘條而已。其他則皆權變法。幹旋法也。假使治傷寒者。審其脉之或緩或緊。辨其症之有汗無汗。則從而汗之解之。如桂枝麻黃等法。則邪却而病除矣。其或合陽明。或合少陽。或合三陽者。則從而解之。清之。如葛根湯。治太陽陽明合病下利。葛根加半夏湯。治合病不下利。而但嘔者。黃芩湯。治太陽少陽合病。而自利。黃芩加半夏生羌湯。治合病而嘔者。如白虎湯。治三陽合病。其云腹滿者。為陽明經熱。合於前也。其云身重者。為太陽經熱。合於後也。其云難以轉側者。為少陽經熱。合於側也。其云口不仁。而面垢者。熱合少陽之府也。其云謔語

者。熱合陽明之府也。其云遺尿者。熱合太陽之府也。既審其爲三陽之合。又必得自汗出之的證。而後用白虎湯之的方。斯邪分而病解。此爲正治之法。顧人氣體有虛實之殊。藏府有陰陽之異。或素有痰飲痞氣。以及咽燥淋瀝。汗衄之疾。或適當房室。金刃產後亡血之餘。是雖同爲傷寒之候。不得竟用麻桂之法矣。於是。有旋覆代赭石湯。治傷寒汗吐下解後。心下痞。噯氣不除。是胃氣弱而未和。痰氣動而上逆之症。自茯苓桂枝白朮甘草湯。治吐下後邪解而爲飲。

發之證。金匱云。膈間支飲。其人喘滿。心下痞堅。又云。心下有痰飲。胸脇支滿。目眩。又云。其人振振身瞤劇者。必有伏飲。其云發汗則動經者。言無邪可發。而反動其經氣也。有承氣湯。治傷寒六七日不大便。頭痛有熱。必衄。以陽熱太重。以此湯承在上之熱氣。而使之下也。有小建中湯。以治傷寒二三日。心悸而煩。補中氣。以生心血。有炙甘草湯。治脉結代。心動悸。啟腎陰。以行於脉道。有四逆湯。治發熱頭痛。脉反沉。身體疼痛。扶腎陽。以救其虛陷。是爲權變之法。而用桂枝。

麻黃等法。又不能必其無過與不及之弊。或汗出不徹。而邪不外散。則有傳變他經。及發黃蓄血之病。如中風以火劫汗。則兩陽熏灼。其身發黃。陽盛則欲衄。陰虛則小便難。甚則見發噦語。捻衣摸床。諸危症服藥得小便利者。方可治之。如桂枝證外不解。而熱結膀胱。其人如狂。血得自下。乃愈。若小腹急結。有桃仁承氣湯之輕攻法。如麻黃證表不解。脉微而沉。其人狂。其邪反不結於胸。而直下於少腹。而鞭滿爲瘕。熱在裏。又身黃。脉沉結。小便利。自利。不爲水。而爲血。其

血不能自下。必攻而始下。又有抵當湯之峻攻法也。或汗出過多。而并傷其陽氣。則有振振身瞤。地肉瞤筋。惕爲真武湯之證。有發汗後。血液內亡。身疼痛。脉沉遲者。爲桂枝加芍藥生羌人參新加湯證。有發汗過多。虛其心氣。其人叉手冒心。喜按者。爲桂枝甘草湯證。有發汗後。虛其腎氣。臍下悸。欲作奔豚。爲茯苓桂枝甘草大棗湯證。有發汗後。傷其中氣。不能運行。升降而腹脹滿。爲厚樸生羌甘草人參半夏湯證。有發汗後。反惡寒。陰陽兩虛。爲芍藥甘草附子湯證。且有

更發汗。小發汗。論中有論而無方。亦可以意會之。是為幹旋之法。學者宜究心焉。

傷寒醫訣串解卷一

傷寒醫訣串解卷二

閻長樂陳念祖修園著

受業姪道著纂集
東治林壽萱校訂

陽明篇第二。陽明主裏。外候肌肉。內候胃中。

何謂陽明經症。曰。身熱。目痛。鼻乾。不得眠。反惡熱。是也。有未罷太陽。已罷太陽之辨。

若兼見頭痛惡寒。是太陽症未罷。自汗脉緩。宜桂枝。湯。項背強。几几。桂枝加葛根湯主之。無汗脉浮。宜麻黃湯。項背強。几几。葛根湯主之。

若無頭痛惡寒。但見壯熱。口渴。是已罷太陽。為陽明經之本症。宜白虎湯主之。

何謂陽明腑症。曰。潮熱。譫語。手足腋。下濇然汗出。腹滿。大便鞭。是也。有太陽陽明。少陽陽明。正陽陽明之辨。

本太陽症。治之失法。亡其津液。致太陽之熱。乘胃燥。而轉屬陽明。其症小便數。大便硬。傷寒論謂之脾約。宜麻仁丸。已上言太陽陽明之症也。

本少陽病。治之失法。亡其津液。致少陽之邪。乘胃燥。而轉屬陽明。為大便結燥。傷寒論謂為大便難。以蜜煎膽汁導之。已上言少陽陽明之症也。

病人陽氣素盛。或有宿食。外邪傳入。遂歸於胃。腑傷寒論謂為胃家實。宜以三承氣湯下之。已上言正陽陽明之症也。

陽明在經。未離太陽。宜汗之。既離太陽。宜清之。在腑審其輕重。宜下之。若在經路之界。汗之不可清之。不可下之。不可宜用吐法。柯韻伯云。除胃實症其餘如虛熱咽乾。口乾。口苦。舌胎。腹滿煩燥。不得卧。消渴而小便不利。凡在胃之外者。悉是陽明表症。仲景製汗

劑。是開。太陽。表。邪。之。出。路。製。吐。劑。是。引。陽。明。表。邪。之。出。路。使。心。腹。之。濁。邪。上。出。於。口。一。吐。則。心。腹。得。舒。表。裏。之。煩。熱。悉。除。矣。煩。熱。既。除。則。胃。外。清。自。不。致。胃。中。之。實。所。以。爲。陽。明。解。表。之。聖。劑。

內經云。陽明之上。燥氣治之。所謂本也。本之下。中之見也。見之下。氣之標也。又曰。陽明不從標本。從乎中見。從中見者。以中氣爲化也。又曰。陽明爲闔。又熱病論曰。二日。陽明受之。陽明主肉。其脈俠鼻絡於目。故身熱。目痛。而鼻乾。不得卧也。傷寒多發熱。而此獨身熱者。蓋陽明

主肌肉。身熱尤甚也。邪熱在胃。則煩故不得舒卧也。傷寒論云。問曰。病有太陽陽明。有正陽陽明。有少陽陽明。何謂也。答曰。太陽陽明者。脾約是也。本太陽病不解。太陽之標熱。合陽明之燥熱。以致脾之津液。爲其所灼。而窮約。正陽陽明者。胃家實是也。燥爲陽明之本氣。燥氣太過。無中見濕上之化。而實少陽陽明者。發汗利小便。胃中燥煩。而實大便秘難是也。少陽之上。相火治之。少陽病誤發汗。誤利小便。則津液竭。而相火熾盛。胃中燥實。而大便秘難矣。

陽明之爲病。胃家實也。言陽明病。雖有三者之分。而其爲胃家實。則一也。此節爲陽明病之提綱。沈堯封云。胃家實。言以手按胃中實硬也。柯韻伯云。不大便利。便是胃家實。尤在涇云。凡傷寒腹滿。便閉。潮熱。轉失氣。手足微濇。汗出等證。皆是胃家實。三說不同。均存之以互參。問曰。陽明外證云何。答曰。身熱。肌肉蒸蒸然。熱達於外。與太陽表熱不同。汗自出。熱氣內盛。濇濇然。汗濇於外。與太陽之自汗不同。不惡寒。外寒已解。反惡熱。裏熱已盛也。沈堯封云。此節合上一節。爲陽明證。一內一外之

提綱。只因有胃家實之病根。卽現熱盛汗出之病證。不惡寒反惡熱之病情。必內外俱備。方是陽明之的證。陽明本燥。而標陽。若不得中見大陰之濕化。其燥氣陽熱太盛。則爲胃家實之病。故仲景以胃家實爲此證提綱。雖有太陽陽明正陽陽明少陽陽明之分。而其爲胃家實。則一也。且更合之外證。自熱汗自出。不惡寒。反惡熱。便知胃家實證。有諸中而見諸外。愈可定其爲眞陽明也。其證雖有在表。宜從汗解者。須知汗出多。脈微。宜桂枝湯。無汗而喘。脈浮。宜麻黃湯。二

者俱太陽證。而屬之陽明者。以其不頭痛項強故也。若惡寒已罷。二方必不可用。且陽明提綱。重在裏證。所以論中。以此條別作一章也。至於陽明本證。有自受證。有轉屬證。有邪盛證。有正虛證。有能食不能食證。有寒冷燥熱證。有從樞從開證。有名同而實異。原一而流分證。治之者。不得其緒。如治絲而棼之也。何謂自受病起於陽明。本經自爲之病。其外證身熱。汗目出不惡寒。反惡熱。爲陽明病。自內達外之表證。其有得之一日。不待解散。而二日惡寒自罷。即自汗出而發熱。爲風寒入於陽明。本經之表證。此陽明自受之大畧也。何謂轉屬。凡太陽病過汗亡其津液。致胃中乾燥。而轉屬者。固多。亦有本太陽病初得時。發汗不徹。太陽標熱之氣。不能隨汗而泄。即與陽明燥氣混爲一家。而轉屬者。亦有發熱無汗。嘔不能食。其時即伏胃不和之病機。不因發汗而自濺。濺然汗出。爲轉屬者。更有誤下而轉屬者。此陽明病轉屬之大畧也。何以謂正虛。本篇第十六節云。陽明病不能食。胃中虛冷。攻其熱必噦。言胃腑之虛也。第十七節云。脉

遲。食難用飽。飽則微煩。頭眩。必小便難。此欲作穀瘵。雖下之。腹滿如故。此言經脉之虛也。第十八節云。無汗。身如蟲行。皮中狀者。虛故也。此言皮腠之虛也。論雖無方。大抵不外溫補之法。第二十六節云。傷寒嘔多。雖有陽明證。不可攻之。以嘔則胃氣虛。雖有陽明實熱之證。不可誤攻。而致死。此言胃氣虛不可下也。第二十七節云。心下鞭滿者。不可攻之。攻之利遂不止者。死。論止言心下。而不及腹。止言鞭滿。而不兼痛。且心下爲陽明之膈。膈實者。腹必虛。腹中之虛氣閉。於陽明之部。若誤攻之。則穀氣盡。而下列死矣。此言眞虛假實者。不可下也。第十八節云。面合赤色。不可攻之。攻之必發熱。色黃。小便不利。以陽明之脉上循於面。不知熏解之法。而誤攻之。則變爲發熱。色黃。小便不利等證。此言外實內虛。不可下也。須知陽明證。雖以胃家實爲提綱。唯不得中見太陰之濕化。陽明愈實。而中見愈虛。前此註家。不知從此發揮。以致患陽明證者。以白虎承氣枉死幾千萬人。也。何謂邪實。論中陽明府證。皆熱邪爲病。然熱邪散漫於內外。大

湯。大。汗。宜。用。白。虎。逐。熱。而。生。液。熱。邪。結。聚。於。腸。胃。潮。熱。譫。語。宜。用。承。氣。逐。熱。而。蕩。實。二。方。均。為。陽。明。府。病。而。設。誤。用。之。便。致。殺。人。第。四。十。二。節。三。陽。合。病。末。一。句。云。若。自。汗。出。者。主。用。白。虎。湯。可。以。得。其。大。要。而。三。承。氣。湯。各。有。所。主。陽。明。證。不。吐。不。下。雖。胃。氣。不。虛。而。胃。絡。上。通。於。心。可。因。其。心。煩。一。證。而。知。其。胃。氣。不。和。可。與。調。胃。承。氣。湯。二。十。九。節。已。有。明。文。也。至。於。大。承。氣。證。於。其。脉。遲。則。知。其。陽。邪。盡。入。於。裏。陰。又。於。其。汗。出。不。惡。寒。身。重。短。氣。腹。滿。而。喘。五。者。之。中。更。取。出。裏。證。最。確。者。曰。不。惡。寒。而。潮。熱。言。熱。邪。盡。入。於。胃。必。變。身。熱。為。潮。熱。也。且。於。裏。證。中。而。知。其。大。便。鞭。之。最。確。者。曰。手。足。濇。然。而。汗。出。言。胃。主。四。肢。若。大。便。已。鞭。者。必。通。身。熱。蒸。之。汗。自。歛。而。變。為。手。足。濇。然。之。汗。方。為。大。承。氣。之。的。證。否。則。不。過。燥。屎。不。行。祇。為。小。承。氣。證。耳。然。而。少。承。氣。亦。不。可。以。輕。用。也。不。大。便。六。七。日。欲。知。其。有。燥。屎。與。否。少。與。小。承。氣。湯。試。之。湯。入。腹。中。而。轉。失。氣。者。可。再。用。之。若。不。轉。失。氣。者。此。為。胃。氣。之。虛。初。鞭。後。溏。必。致。不。能。食。而。脹。滿。不。能。飲。而。作。噦。矣。論。

中二十九節三十節三十一節當潛心體玩。至於譫語諸家皆謂邪實。然論中三十二節有實則譫語虛則鄭聲之分。本節直視為精氣已奪。喘滿為脾肺不交。下利為脾腎不固。此皆譫語虛脫之死候。其餘自三十三節至四十三節。實邪固多。而亦不可概認為實邪之為病也。張隱菴云。凡譫語乃心主神氣內虛。言主於心。非關於胃。胃燥譫語。而用承氣。乃胃絡不能上通於心。胃氣清而脉絡能通之義。仲景示以法。不可泥於法也。何謂能食不能食。若中風則能食。以風能鼓動陽明之氣也。若中寒則不能食。以寒能拒閉陽明之氣也。中寒之旨。詳於第十九節中風之旨。詳於第二十節。意以寒為陰邪而下行。故無汗而小便利。風為陽邪而上行。故不惡寒而頭眩。寒則嘔不能食。風則能食。寒則頭痛。風則咽痛。此陽明有風寒之別也。何謂寒冷燥熱之分。本篇第四十四節云。脉浮而遲。虛寒之脉也。其云表熱者。陽明戊土不能下。合少陰癸水而獨主乎外也。其云裏寒者。少陰癸水不能上合陽明戊土。而獨主乎內也。其云下利清穀。

者或癸不合而下焦注陽不升也以四逆湯爲生治
第四十五節云胃中虛冷者言中焦土氣虛冷也其
云不能食者中焦虛冷失其消穀之用也其云飲水
則噦者兩寒相得而爲噦也論中未出方而理中湯
堪爲主治推之第六十節云食穀欲嘔者屬陽明也
吳茱萸湯主之與此節亦互相發明也第四十六節
云脈浮發熱者陽明燥熱在於經脈也其云口乾鼻
燥者熱循經脈而乘於上焦也其云能食則衄者熱
在經脈不傷中焦之胃氣此證正於能食而得熱在
經脈之確證經脈熱甚得衄則熱有出路而解矣推
之第六十節食穀欲嘔後半節云得湯反劇者屬上
焦也上焦主火熱而言與此節亦互相發明也何謂
從樞從開內經云太陽爲開陽明爲闔少陽爲樞三
經者不得相失也使陽明而終於闔則死矣然則何
法以致其開一則從少陽之樞以轉之四十七節云
下之後外熱手足溫不結胸心中懊憹飢不能食但
頭汗出者是陽明開其氣不交於上下也以梔子豉
湯主之四十八節云發潮熱大便溏小便自可胸脇

滿不去者是陽明開其氣不涉於大小二便止逆於
胸脇之間以小柴胡湯主之且小柴胡湯時醫止知
爲少陽之方而不知爲陽明之要方也四十九節云
陽明病脇下鞭滿言不得少陽之樞則下焦不通而
爲不大便中焦不治胃氣不和而爲嘔上焦不和火
鬱於上其舌上現有白胎可與小柴胡湯上焦得通
津液得下胃氣因和身濇然汗出而解所以從樞以
轉之者此也一則從太陽之開以出之五十節陽明
中風脈弦浮大而短氣共九十三字詳詳淺註病過
十日又當三陰受邪若脈續浮者知其不涉於陰仍
欲從少陽之樞而出若脈但浮而別無餘症者是病
機欲從太陽之開可與麻黃湯以助之若不尿腹滿
加噦者是不從少陽之樞太陽之開逆於三陰爲不
治之證所謂從開以出者此也何謂名同而實異內
經云人之傷於寒也則爲熱病二日陽明受之其脈
俠鼻絡於目所云身熱目痛鼻乾不得眠是止就陽
明經病之一端而言仲景以胃家實提綱是該內外
證治之全法而立論也後人妄用升麻葛根湯反發